

聽秋軒閣中同人集



同 聽

人 秋
集 軒

藏 句
板 曲
駱 氏

閨 中

閩中同人集詩序

女子之詩其工也難於男子閩秀之名其傳也亦難於

才士何也身在深閩見聞絕少旣無朋友講習以淪其

性靈又無山川登覽以發其才藻非有賢父兄爲之溯

源流分正僞不能卒其業也迄于歸後操井臼事舅姑

米鹽瑣屑又往往無暇爲之才士取青紫登科第角逐

詞場交游日廣又有當代名公巨卿從而揄揚之其名

益赫然照人耳目至閩秀幸而配風雅之士相爲倡和

自必愛惜而流傳之不至泯滅或所遇非人且不解伊

聽軒圍尺集

序

一

唔爲何事將以詩稿覆醢甕矣閩秀之傳難乎不難且

難之中又有不同者蘭自幼從先君學詩垂髮時卽解

聲律及長適龔氏值家道中落與夫子輟吟詠謀生計

繼又以孀居持門戶從揚州僦居丹徒之西老屋數椽

秋燈課女以筆墨代蠶織固食貧者之常也厥後索詩

畫者日益衆或見蘭之詩而疑之謂聽秋軒稿皆倩代

之作蘭賦性粗豪謂於詩不能工則誠歉然自慚謂於

詩不能爲則頗奮然不服間出而與大江南北名流宿

學覲面分韻以雪倩代之寃以杜妄人之口師事隨園

夢樓兩先生出舊稿求其指示差繆頗爲兩先生所許可世之以耳爲目者敢於不信蘭斷不敢不信隨園夢樓兩先生也於是疑之者息而議之者起矣又謂婦人不宜作詩佩香與兩先生相往還尤非禮蘭思三百篇中大半出乎婦人之什葛覃卷耳后妃所作采芣采蘋夫人命婦所作雞鳴昧旦士婦所作使大聖人拘拘焉以內言不出之義繩之則早刪而逸之矣而仍存之於經者何哉隨園夢樓兩先生蒼顏白髮品望之隆與洛社諸公相伯仲海內能詩之士翕然以泰山北斗奉之

聽秋軒閣中集

序

二

百世以後猶有聞其風而私淑之者蘭深以親炙門牆得承訓誨爲此生之幸謂不宜與兩先生追隨贈答是謂婦人不宜瞻泰山仰北斗也爲此說者應亦啞然自笑矣夫不知其人之才而疑之者私明知其人之才而議之者刻私與刻皆非醇厚君子之用心也蘭年四十有二矣近日流覽內典遊心虛無作歸道圖以自易毀譽之來頗澹然於胷中深悔向者好名太過適以自招口實但結習未除每當涼月侵簾焚香默坐時於遠近聞秀投贈之什猶記憶不能忘披誦一遍深情厚意溢

于聲韻之外宛然如對其人因哀而輯之以付梓人使
蚩蚩者知巾幗中未嘗無才子而其傳則倍難焉彼輕
量人者得無少所見多所怪也蘭編是集旣自傷福命
不如同人又竊幸附諸閨秀之後而顯矣

嘉慶丁巳秋句曲女史佩香駱綺蘭識

聽秋軒閨中同人集

序

三

聽秋軒閨中同人集卷一

句曲女史駱綺蘭編

題佩香夫人秋燈課女圖

小維摩江珠

華陽有才人出自賓王族嗜學研精微經綸笥其腹讀書眼如月今古靡不燭下筆驅班謝閒情頌椒菊織字報秦嘉裁詩寄徐淑粧閣對吟壇筆陣相馳逐新婦配叅軍人爭妬奇福家居石頭城金粉厭繁俗浮玉多雲烟山光浸林麓坐望好江山于焉此卜築天道固難知忌才抑何酷一旦痛離鸞哀歌悲寡鵠奩鏡謝鉛華圖史雜機軸清節勵冰雪積淚漬湘竹秋花抱孤芳寒香聽秋軒閨中同人集

卷一

一

娟幽獨左家有嬌女丰姿秀眉目短髮初披肩誦詩如瀉玉秋雨透疎櫺秋風冷蓬屋沉沉清桐陰簾櫳淒淒以綠展卷對短檠隱隱光如粟書聲和刀尺終夜聲相續教女無異男埋頭窮簡牘畫荻心苦酸丸熊手穀瘵一經賴以傳能不勤課讀哀哀阿母心志苦秋霜肅

前題

繡佛畢汾

桂輪缺後見分明托跡蕉梧淡世情爲惜遺書無業主故將嬌女作門生金釭照影瞻顏色銀管畱題識姓名我若掛帆南下日艤舟待訪石頭城

前題

拈花畢慧

數盡殘更坐月明半簾蕉影見雙清
指揮嬌女燈前讀
蟋蟀休疑嘆息聲

前題

晚芳鮑之蘭

誰識閨中女傅賢嚴師慈母一身全
柏舟舊誓冰霜操
梧館還賡柳絮篇雲外孤鴻悲欲和
庭前雛鳳慧堪憐
披圖觸我當時夢曾記篝燈課選年

前題

茝香鮑之蕙

冰心玉映本天成寂坐清秋逸韻生
河汎柏舟情獨訴

聽秋軒閨中人集

卷一

二

樓觀滄海句誰爭芸牕早授中郎業
絳帳堪承白傅名
夫人爲隨園先生女弟子
有女未能諳姆教願從深夜借燈檠

前題

右調百字令

浣雲鮑之芬

井梧秋靜倚風軒露檻塵空碧落機杼初停勤荻訓
一卷書抽故橐蕙質須培蕉心獨展幽抱憐閨閣令師賢
母鳳雛清和孤鶴 休怨伯道無兒中郎今有女堪承
家學習禮明詩兼不媿舅族賓王姓駱寶婺光寒蓼莪
篇掩吹徹江城角琴臺音杳青燈辛苦紗幮

前題

素芳周澧蘭

殷勤檢點二南詩課讀寒宵漏滴遲不用桃花重蹟
金閨夙慧勝男兒

紙牕燈火暗秋雲月落梧桐夜色分親畫烏絲傳妙楷
最憐零落北山文

祝佩香夫人四十初度

晚芳鮑之蘭

蓬萊佳氣靄西堂鶴紀初添介壽觴松柏經霜餘晚翠

芝蘭閱歲鬱幽光千秋名已成今日大集刻竣四海才都祝

瓣香我愧俗緣渾未了樓居何日近華陽夫人本籍句曲

前題

萋香鮑之蕙

聽秋軒閨中同人集

卷一

三

三逕黃花艷綺筵閨中誰識有神仙尋秋隋苑攜琴劍

泛月平山懽管絃風物倍從高詠勝霜姿端爲彩毫妍

娉婷還美班姑幼學頌岡陵小雅篇

少小才名海內知賓王家法世相師千秋慧業中年定

夫人大集告成十載青燈弱女隨俠氣易催吟鬢改爲夫人有元髮欲化

素句故云冰心曾共冷香期慙子未了紅塵累遙企雲輶祝

母儀

前題

澗薌盧元素

春風豔桃李臙脂濕晨露所尙在顏色繁華作恩遇奈

何時世澁妖媚故學步我生慕高潔此獨不我與乍聞
夫人來歡然愜心素未見冰玉姿擬獻梅花賦梅花植
靈苑安得象外句曷若以畫爲疎枝影橫布瓊英寒雪
綴清風暗香度何當萼綠華來此竹西路芳意尙可攀
幽情欲成痼所結歲寒交遠避凡卉妬誰與作疇侶凌
波珮鳴璐神僊匪難期塵慮夢勿寤香遠具別韻清極
得靜趣絕無瑕與玷美列鍾會庫所惜在萍水牽船易
爲渡安得玉雪坡與之卜隣住盤桓撫梅龍坐對叅佛
悟人生如浮雲卽此已前數吟情與禪理朗徹視寒兔

聽秋軒閨中同人集

卷一

四

前題

張少蘊

雋朗襟懷錦繡腸簪纓爭識女賓王名傳曠代隨年盛
經授青燈趁夜長三徑寒香歸腕底

夫人工繪

二分明月入

詩囊何當再坐春風裏暫列紗幪弟子行

四月三日承佩香夫人枉過小園作長句見贈

依韻奉荅

茵香鮑之蕙

三逕蓬蒿剪乍晴雲駢合藉管絃迎珠移潤浦時增色
鳳出丹山代有聲漫得虛名勞繾綣難逢良讌許隨行
快談欲挽花間日次第同評海內名

和佩香夫人見贈原韻

芭香鮑之蕙

消閒誰似女相如棋局茶烟逸興餘
絳帷親課左芬書聲華十載神交久
風範三春把晤初
慚愧頻年忙裏度吟懷差共鬢絲疎

附芭香書

昨承賜瑤章名繪感泐寸衷懸之草堂頓覺增色蕙
深愧不才倏過四十切操諸技百無一成何以克當
高人過譽謝謝夫人大集得蒙見示捧讀時雨聽靜

聽秋軒閨中同人集

卷一

五

坐焚香三復真字字珠璣令人不忍釋手從此愚姊
妹直須擱筆矣羨羨謹此佈謝

東佩香夫人

浣雲鮑之芬

六代繁華古帝基而今靈秀屬蘭閨聲名遜抗機雲後
學問言工德貌齊柳絮清吟都是雪蓮花妙悟不黏泥
何當更放山陰棹第一峯前共品題

附浣雲書

前接瑤函捧讀大藁清詞麗句如行山陰道上令人
應接不暇欽佩奚似比稔夫人絳帷詠雪綺閣巡梅

清興與清福俱非庸俗人所能夢到芬且愧且懼益
覺兒女累拚擋不盡也屢蒙賜書具函蕪覆惟索題
三朵花時來使匆匆未及修荅方抱歉懷反承謙抑
過情愈深踴躅倘有鴻便尙乞寬疎慢之愆頌瓊瑤
之什不鄙孤陋幸甚幸甚

和佩香夫人招遊平山見贈原韻時清明後二

日也

潘耀貞

連朝風雨長階苔恰喜詩人折柬來好是清明時節後
畫船先向竹西開

聽秋軒閣中尚人集

卷一

六

十里春波恣往還傳杯小泊綠楊灣錦囊佳句知多少
收盡東南萬疊山

附原唱

二月春波碧似苔彩雲深處謫仙來東風也助遊人
興萬樹桃花一夜開

綠楊影裏泛舟還烟雨空濛水一灣自笑寒閨狂太
甚手籠詩草下平山

和佩香夫人來揚見贈原韻

憶昨江干九月天勞君枉駕意纏綿自嗟一面緣何吝

今日權逢客路前

名園小住傍山岑添得詩人逸興深雨後春光應更好
相遲把袂坐花陰

予將返金陵佩香夫人枉送以詩贈別聞夫人
還京口亦有日矣次韻奉酬

西牕剪燭飮清譚欲贈將離雨正酣莫爲萍蹤嗟去住
扁舟同是返江南

附耀貞書

前日駕過廣陵得親雅範何幸如之滿擬歸帆順到

聽秋軒閣中同人集

卷一

七

京江再圖良晤金焦兩點好與夫人把袂同遊以續
一時佳話不意十三日束裝後東風不便輕舟已挽
入儀徵一水盈盈無由會晤倍切神馳所喜見惠詩
篇帶隨行篋閒中雜誦如對芝顏容俟張掛閣中頓
覺生輝蓬壁而且觸目懷人也耀在揚諸叨厚愛而
家政匆忙文墨一事竟無所聞見卽渡江奉訪之期
尙未知能撥俗冗否夫人山水情深倘復放白門之
棹務望不我遐棄過舍一談聊伸離緒翹企之至
寄和佩香夫人春日放舟賞廣陵芍藥原韻

香葉侯如芝

各守深閨總寂寥
仙姝何自互相招
久瞻獨步雲霄遠
却訝先施珠玉饒
流水繞弦耽月夜
春風拂紙憶花朝
沉吟宛覺芳馨合
神斷江干畫槳搖

藻思紛綸班左前
拈花早動佛心憐
谷中香遠琴鳴雨
柳上風多絮化烟
月姊孤高原少匹
江斐游戲妙隨緣
彩毫廣奪名花豔
羨揚州三月天

舊宅蒼涼步再過
當年牽挂枉絲蘿
春江浪轉鷗盟杳
花徑香畱蝶夢多
自古才人能感慨
欣逢彩伴助吟哦

聽秋軒中同人集

卷一

八

璇璣自識迴環理
那問遷流意若何

沉疴經歲喜生餘
靜聽秋聲有與俱
偶解閑愁尋翰墨
喜看豪氣壓江湖
書傳青鳥音常邇
吟共寒梅影不孤
學語侏儒君莫笑
幼來原不識之無

前題

愛蘭王瓊

靜捲疎簾望碧寥
故人如鶴每相招
幽懷幾載神偏切
好句重緝興更饒
對岸山光迎繡閣
隔牕花影逼晴朝
此心已付春流去
不待空江畫槳搖

吟情怕到暮江邊
鎮日閒居祗獨憐
玉笛吹殘京口月

客帆斜度海門烟三吳訪舊他年事短札論交文字緣
最是飄然騎鶴去至今腸斷白雲天吳中織織夫人與余神交最久唱和最多卒未一見而織織已病故矣誠恨事也

荒江結屋有誰過一逕烟痕罨綠蘿閨閣佳辰歡會少
蓬萊仙子別離多左家有客知同調鮑氏多才得共哦
愧我不能陪絳帳清宵對月奈愁何

細玩蘭言味有餘幾時得共賞心俱久憐芳塢花千樹
美爾平山雨一湖玉尺裁詩名最著金杯飛月影同孤
紫蘩舊是神交者謂張月樓夫人近客瓜洲曾共相思到我無

聽秋軒閣中人集

卷一

九

和佩香夫人畱別原韻

靜菴盧元素

我自神交隔歲期魚軒幸迓却嫌遲來時須記垂楊樹
別後還畱芍藥詩粧閣問誰能向友詞壇于此最相思
今宵有夢隨君去明月飛烏借一枝

佩香夫人有來吳之約踰期不至奉寄

梅卿王倩

鐙影昏昏夜未闌美人遠在碧雲端論詩君負肱三折
聽雨儂消香一盤索處鴈銜愁共到倦來書與睡相干
分明記得臨岐約水戲山塘倚櫂看

將返吳門畱別佩香夫人

杖履追隨到處春，杜鵑催客去江濱。
題詩說與湖山曉，畱得賓王作主人。

晴湖無分畫船移，十丈風絲漾綠漪。
春亦如人畱不住，好花開遍是將離。

蘼蕪十里綠含愁，唱到驪歌月滿樓。
笑我遲來偏早去，別君難更別揚州。

九峯園桃花將謝，欲邀佩香夫人過園用湖上
卽席元韻柬之
香雨王懷杏

聽秋軒閨中同人集

卷一

十

雨後花光點綠苔，一篙宜趁曉陰來。
休教寂坐東風裏，夫人寓湖上照眼花枝獨自開。

寄佩香夫人

愛蘭王瓊

同是龍門久識名，神交頻覺夢魂縈。
寄居獨有青山癖，望遠知深白下情。
人帶椒蘭香自永，詩成吳越氣俱清。
江南江北盈盈水，一任扁舟好結盟。

又絕句一首

雙峯環抱足幽居，渺渺金陵極目餘。
江上斜陽疎柳外，心隨帆影落南徐。

古重陽日夢樓先生偕諸弟子集飲綠山堂卽
席命題佩香夫人走筆立成卽次原韻

菑香鮑之蕙

竹葉今秋喜再斟琳瑯滿目暢文襟藉將荒圃烟霞色

愜取高人水月心佳日更親韋母範

謂達有黃太夫人

新題還

共大家吟問奇斲得趨函丈慚愧霜華兩鬢侵

丙辰上巳奉招佩香夫人遊湖上時喜遇隨園

先生亦招諸名士紅橋修禊佩香詩先成卽次

原韻

王懷杏

聽秋軒中同集

卷一

十一

暮春修禊在今朝高會羣仙寄東招柳絮隨人飛綠雨
花枝牽棹過紅橋勝遊燒盡今宵燭佳句聽殘隔院簫
見說白頭遙問甚碧桃深處泊蘭橈

僊霞許德馨

無端風雨暮還朝問訊名園若箇招却喜趁晴張綺席
競傳修禊傍紅橋勝遊不厭燒華燭佳句還應付玉簫
我願絳帷稱弟子綠楊深處共停橈

澗薌盧元素

一年曾有幾芳朝酒旆高懸柳外招共泛麗人三月水

却陪仙侶百花橋長隄近擬蘭亭路深柳遲畱畫舫簫
我欲因君同問字共尋香草賦蓀橈

梅卿王倩

做晴天不負芳朝道蘊香山一例招楊柳幾多圍白塔
桃花行盡見紅橋洗將詩骨清明雨訴出春心隔院簫
何幸也隨修禊事清波如鏡撥輕橈

附元唱

連陰二月負花朝此日剛逢折東招自愧才名輸絡

秀謂周香雨

也修禊事到紅橋遠鋪芳草平山路吹破春

聽秋軒閣中同人集

卷一

十一

雲十里簫喜見今宵新月早好趨絳帳放蘭橈

又得一首寄呈賓谷先生

歐蘇此地有遺踪七百餘年幸再逢春禊何如秋禊

爽

先生癸丑有修禊詩

詩懷翻比酒懷濃四朝老叟當延坐

謂隨

園先

三省名流授簡從忽憶蘭亭王內史不禁搔首

望吳峯

謂夢樓師吳門未返

題聽秋軒集二律

蘭卿秦淑榮

閨閣文章未易工如君麗藻有誰同修齋供佛心多慧
彩袖揮毫氣獨雄謝女詩篇傳白下容華名字滿江東

自憐十載耽塗抹獨聳吟肩媿古風

霓旌小駐撥流霞江上誅茅便作家
牕靜烟雲橫北固夜深風雨誦南華
偶拈斑管金釵折笑擘花牋玉篆斜
文翰清辭兼擅美不知誰可比靈花

榮幼耽吟詠長學臨池獨於丹青未暇畱心偶
於外子齋中見夫人所繪秋菊意態亭亭且慚
且慕茲以松筴一柄求繪春蘭勿見却也小詩
二章并呈

半籬寒菊寫秋光山館重披特地香昨夜霜華連綠野

聽秋軒閣中同人集

卷一

三

一枝新發鄧州黃

翠莢殷紅色嬌幽牕獨坐染霜毫更將班女齊紈扇
乞寫唐王金錯刀

奉贈佩香夫人卽以送行 月波葉毓珍

昔年前已振芳名此日欣親笑語溫底事相逢旋各別
不教風雅待重論

閨閣爭傳未易才聽秋軒裏雅懷開金焦山色滄江月

合有清思上筆來

夫人住
居京口

一幅名花點綴新羨君觸手總生春臨岐圖畫殷勤贈

要我桃源夢故人

時蒙惠桃花畫幅

蘭卿女史以佩香夫人所作菊花小幅索題構

得燭影搖紅一闕

香葉侯如芝

何處飛來吟魂一片簾鉤冷相看原自淡無言不覺心
潛引江上無邊秋影問名花斯情誰領伊人宛在月白
霜清庭階深靜瘦骨娉婷描摩只有嫦娥省幽姿何
意擅江南幻現從俄頃仙夢於今都醒伴羅幃詩情獨
承一卷傳心坐對三更自酬香茗

和佩香夫人詩四首

聽秋野閣中集

卷一

十四

莫訝相邀無定期良緣會合每遲遲彩雲停處皆知佛
芳意傳來總是詩兩載空江勞遠夢一簾明月繫長思
草堂有暇當重掃共玩梅花香滿枝

仙蹤來往本難期咫尺偏教問字遲念我紛紜艱定約
知君慷慨獨吟詩花前訂句他年事燈下橫牋此夜思
珍重驪駒須緩唱柳條待折一枝枝

緣慳咫尺路迢迢識面有心會面遇昨夜夢中曾彷彿
筆花落處寫招署

雲牋疊處思迢迢杞里相從恨尙遙料得清吟同夜月

素娥窺字轉廊腰

附香葉書

兩載神交三秋注想欲面無期論心何日今春初夫
子赴新安之便曾寄小詩四章家抑庵代書呈史席
斧削而夫子造府之時值夫人曉粧未竟朱門咫尺
不啻江海之遙畫閣深沉恍若雲霄之隔至今猶爲
悵悵耳母念江城伊邇不獲頻候起居忽焉青鳥飛
空天花散彩始知遠駕雲輶近臨杞里聞聲欣躍頓
慰渴懷本卽欲趨候自慚受教無地踉蹌不前倘蒙
不棄望移香車過我俾得拜瞻雅範藉領清談芝三
生之幸也并謝芍藥之贈想同心人亦必惠然無辭
望訂期以示芝卽返舍掃徑以待玉趾降臨爲幸

秋日病中寄懷佩香夫人
浣雲鮑之芬

懷人何處賦登樓風雨蕉牕黯客愁世外客君輕似鶴
霜楓江上又吟秋

萍踪自笑客爲家阻我鄉園百里賒一向愁中兼病裏
不曾樽酒酌黃花

附和作

聽秋軒閨同人集

卷一

五

特來訪友一登樓同醉金樽暫解愁笑我此身輕似
燕却銜春怨寫新秋

詩人從古慣離家豈怕鄉園路倍賒同在客中思不
得春風江上有梅花

春初佩香夫人見訪并和去秋奉懷原韻

曾記春波江上樓芳樽舊雨洗離愁風前容易重攜手
暗裏消磨兩度秋

面城半畝似山家詩思難尋別思賒正是不堪消遣處
春風來訪舊梅花

聽秋軒閨中同人集

卷一

附和作

七

粧罷閑登故國樓滿園春色解新愁小時鬪草尋芳
處屈指于今四十秋

華陽本合住仙家舊路行來喜不賒從此歸來無別
事門前多種碧桃花

疊前韻戲荅佩香夫人

前朝吟散夕陽樓頓減新愁與舊愁檢點詩懷謝知己
任他世事自春秋

芳草池塘舊謝家豪情更比昔人賒千金一擲春多少

樓上籌添紅杏花

和佩香夫人畱別原韻

殘雪消梅朔氣和春風喚起病維摩
傾談片刻情何限分手三年夢已多
楊柳晴絲畱別袂桃花新浪有回波
詩筒正擬常來往南浦匆匆悵若何

附原唱

連朝風暖鳥聲和喜接新詩仔細摩
把酒數枝梅蕊放懷人明日柳絲多
春光迷路紅如醉水色浸衣綠有波
偏是知音容易別挂帆此去奈愁何

聽秋軒閣同人集

卷一

七

酬畢繡佛夫人寄懷之作卽次原韻

綺蘭

相思又見柳毵毵情重桃花水一潭
贈句喜真清似雪耽書恨不化爲蟬
春江潮送看花舫時爲女伴約至揚州看芍

藥斗室香熏供佛龕料得金閨憶棠棣
有詩遙和到

湘南

謂秋帆尚書

索處何堪對月明別來鷓蟀幾回更
祇餘清夢通千里同作單鳧了一生
綠髻漸稀難諱老青琴雖遠總聞聲
慙余弱質忙何事硯當良田手自耕

小詩二律代簡佩香夫人

素溪畢汾

東風無力柳毵毵
襯貼離愁水半潭
本擬逃情仍夢蝶
未除結習類書蟬
綠波萍葉難停港
白月梨花好共龕
極目徒增懷渺渺
頓忘彼此住江南

搏沙聚散不分明
裘葛匆匆兩度更
紅雨渡頭傷小別
綠天菴裏話長生
傳來空谷敲金句
疑是虛檐喚鐵聲
近日欲知予事業
百花香引看春耕

附素溪書

睽隔芳儀倏爾兩更裘
葛想念之私正深五內前接

聽秋軒同人集

卷一

六

令業師夢樓道兄書得悉
夫人起居眠食俱爲妥善
聊慰遠懷並知拙句一章
失去極承不棄命重書奉
上緣酷暑逼人兼多小恙
一時未能應命頃蘭泉侍
郎使來又接華牋多蒙存
注殷拳捧讀之餘益令人
感激於五中也春間幽居
獨處又成七律二章聊作
問安之東向因鱗鴻乏便
未及寄呈今與舊作一併
奉上卽請斧政夫人欲刻
閨中同人集亦爲雅事但
汾山歌野調不足以入君
子之目祈夫人爲我藏拙
恐貽笑於名士才人也聞
夫人時刻到吳倘秋間丹

桂開時能掛帆到舍一暢離情余之所深望也

小詩二首代札

香葉侯如芝

人生會合本難期重訂東風隔歲遲舊雨既占今日夢
新愁猶是去年詩未能共索梅花笑且喜同懸明月思
白下春光頻悵望莫教紅褪綠成枝

雙魚書寄路迢迢交道從今莫怨遙有約春風同屈指
莫愁湖草綠山署

佩香夫人以疎竹水仙畫幅見贈詩以謝之

瑤牋難盡意綢繆珍重封題謝虎頭好把旃檀焚玉炷
聽軒閣中同人集 卷一 九

莫教飛去令人愁

知君原是蕊宮仙玉骨珊珊謫九天只恐人間傳色相
故將晚節倚風前

鸞鏡全拋淡淡粧自將斑管寫瀟湘遙知林下風堪羨
日暮天寒翠袖涼

閨閣多才雅擅長丹青妙手自精良畫圖添挂東西壁
從此江香遜佩香

芝素愛琴川畫菊今得夫人所惠乃張於琴川上

雨中折碧桃花一枝贈佩香夫人承賜詩二首

依韻奉荅

燕返新巢花綴枝一天風雨綰離思分將皎皎當窻色
換取幽人白雪詩

揮毫尙憶菊花前睽隔清芬又一年應識春風歸腕底
深紅淺白各爭妍

附原倡

分得園林春一枝和烟和雨寄相思見花已解佳人
意應是來催豔體詩

去秋相聚畫樓前擬和新詩已半年寄我桃花剛寫
照脂痕香影逗春妍

聽秋軒閣同人集

卷一

三

和佩香夫人見贈原韻

晚芳鮑之蘭

妙筆輕描碧玉枝羨君才思冠當時每承蘭室分清惠
幾許離情繫柳絲

鶯花自古勝揚州聞說清明曾買舟囊裏韶光應貯滿
索將佳句識春遊

佩香夫人招集飲綠山堂走筆成詩卽次原韻

鮑之蘭

山翠和烟入閣濃佳時歡聚莫匆匆工詩閨閣欽蘇妹
夫人昆仲皆能詩作賦園林羨庾公座上芳樽傾舊雨堦前新

綠度薰風連枝樂更逢仙侶合藉西堂咏絮同

前題

鮑之蕙

樓外山光潑黛濃莫教佳日去匆匆虛名笑我輪劉妹

健筆推君敵巨公家兄稱夫人詩筆如杜棠棣蔭連前夜雨忘憂

花放午晴風廿年芳草天涯夢暫喜吟尊此日同

前題

鮑之芬

山色參差暮靄濃斜陽莫放酒匆匆詩懷磊落欽班妹

澗壑清幽隱庾公謂姊丈舸齋新綠乍禁梅節雨殘紅已過

棟花風廿年離合天南北剪燭論文喜更同

聽秋軒閣尚人集

卷一

三

附原唱

綺蘭

高閣臨山萬綠濃知音話別太匆匆浣雲將返句曲啟牕雲

外飛青鶴傾葢花前識鉅公詞翰舊欽蘇氏筆謂雅堂先生

生言容長接謝家風相逢莫怪相親重難得金樽此

日同

次日再集飲綠山堂夢樓先生適至

鮑之蘭

小住林巒百慮空西堂仍許挹詞鋒為聯道蘊風前絮
更接維摩世外蹤新綠乍沾花雨潤遙山輕染曉烟濃

酒尊詩卷須珍重雅會連朝不易逢

次日再集飲綠山堂和佩香夫人原韻

鮑之蕙

萍逢喜踐昔年期謂論山兄花逕重開待女師倚馬共

推安道筆蓮塘戴公詩先成登龍爭賞右丞詩夢樓先生適至郇厨欲

報無兼味夫人家庖最精郢曲難賡過舊時慚愧廿年虛譽重

勉隨家學敢稱奇

前題

鮑之芬

櫻笋頻過曩日期難忘高誼友兼師名賢相對休言達

聽秋軒閣中同人集

卷一

三

女俠堪欽不在詩風雨山堂重此夕鶯花句曲憶他時

耽吟未敢煩梨棗襪線微長那足奇

次日再集飲綠山堂適夢樓師從廣陵亦至

綺蘭

恰值西園雅集期騷壇牛耳得吾師征衣待拂凌江

浪綵筆曾吟渡海詩把袂重教聯舊雨師與雅堂先生為垂髮至

交尋春可憶少年時鮑家三妹才難敵文讌山堂絕

世奇

蒞香伯母招集飲綠山堂因病未赴呈佩香晚

芳浣雲三夫人

張少蘊

劉家三妹女賓王都駕雲輶聚畫堂堪笑溪邊野桃李
生來不得傍門牆

兩家名重大江南欽仰才華只自慙緣淺轉因憐弱質
不能消受一宵談

聽秋軒閣中人集

卷一

三

